



醫要集覽

用藥歌訣

樂



用藥歌訣

風門

八味順氣散

八味順氣最居先

用此能令氣道旋

經絡疏通風自散

方纔次第進湯圓

茯苓白朮青陳草

烏藥人參白芷全

凡有中風痰氣厥

南星加入木香煎

烏藥順氣散

烏藥順氣療諸風

男婦通醫理一同

遍體頑麻言寒澁

半身癱瘓骨痠疼



麻黃白芷陳皮桔
甘草乾薑為佐使

烏藥殭蠶枳殼芎
更加薑棗有神功

小續命湯

續命名方自古傳

八風五痺總能痊

語言寒澁身癱瘓

口眼喎斜手掉眩

防已防風參肉桂

麻黃芎杏去皮尖

黃芩附子芎甘草

薑棗煎來服食前

排風湯

排風湯療中風邪

五臟相干効最佳

妄語狂言神錯亂

痰涎壅盛手頑麻

茯苓白蘚芎歸芍

獨活防風草杏加

白朮麻黃并肉桂

生薑四片用無差

五痺湯

五痺風寒濕客留

四肢緩弱體難收

更看手足頑麻處

筋脉骨皮肌痺求

白朮薑黃防已共

更加羌活草同儔

生薑七片成湯劑

經絡須分上下投

人參消風散

消風頭暈目昏眩

聲重時聞耳作蟬

癢痒頑麻生癭疹

項筋拘急嚏相連

荆防蟬退芎陳草
羌朴參苓蠶藿煎
婦女血風頭暈痒
惡心痰逆即安痊

人參順氣散

人參順氣理傷風
咳嗽聲音鼻不通
一應中風先服此
能疏氣道去頭疼
麻黃白朮乾薑朴
草桔參陳枳殼芎
棗一薑三薄荷葉
煎時隨證或加葱

清神散

清神利膈去風痰
頭目昏眩鼻息難
面熱腦疼并項急
眼潤昏憤及心煩

石膏荆穗人參薄
羌活防風更入檀
甘草細辛同作劑
心忡神亂頓然安

防風通聖散

防風通聖祛風熱
頭目仍兼肢體疼
咳嗽咽乾并喘滿
大便結燥不能行
連翹梔子麻黃桔
白朮荆防滑石苓
芎草石膏歸芍薄
硝黃隨證要除增

仙朮芎散

仙朮芎散去頭昏
潤燥能令血氣勻
散熱祛風明耳目
消痰逐飲爽精神

荆防滑石當歸菊
藿薄連翹梔子苓
蒼朮石膏甘草桔
大黃芩芍縮砂仁

小省風湯

小省風醫口眼歪
筋攣癱瘓着形骸
精神恍惚頭眩暈
手足頑麻步履垂
星夏防風苓草共
生薑十片水煎來
卒然口噤身僵仆
逐去風痰奪命回

羌活愈風湯

羌活愈風羌草獨
石膏參菊蔓荆芪
麻黃枳殼生熟地
杜仲秦艽風半歸

枸杞細辛苓白芷
芍苓知母薄芩宜
前胡防已蒼朮桂
厚朴須添地骨皮

大秦芫湯

大秦芫湯能養血
外無形證見諸經
內無便溺為癰閉
手足能令筋自榮
四物秦芫生地芷
石膏防草獨羌苓
細辛白朮黃芩共
春夏宜加知母停

三化湯

三化尤能利溺便
內因阻隔為風堅
旬中不失於通利
清濁自分榮衛旋

厚朴要令薑汁製
外邪已去內邪盡

大黃枳實與羌煎
當用愈風調理痊

順風勻氣散

順風勻氣有奇功

中氣人多類中風

口眼歪斜腰腿痛

半身不遂屈伸慵

烏沉參朮天麻芷

青草蘇瓜薑棗同

風藥十中無一愈

順風勻氣有奇功

清氣散

清氣散除風上壅

隔間煩熱有痰涎

人參敗毒方除桔

荆芥青皮白朮煎

蠲痺湯

蠲痺湯蠲風濕痺

兩邪相搏體煩疼

四肢沉重身痿軟

手足舒伸力不能

蜜炙黃芪同赤芍

當歸酒洗類防風

薑黃羌活聯甘草

五片生薑効可徵

防風湯

防風湯中風兼暑

邪氣乘虛暈倒人

口眼歪斜身不遂

只緣風暑內干心

防風佐以炮薑片

澤瀉尤宜炒杏仁

炙草桂心須等分

水煎溫服効通神

寒門

薑附湯

薑附湯溫中客寒

腹疼霍亂轉筋攣

體虛昏不知人事

脈候沉微辨息難

附子去皮生細切

乾薑味苦要炮燼

食前用水煎溫服

一切陰寒證最堪

五積散

五積能收兩感功

內傷生冷外傷風

頭疼嘔吐身拘急

腹痛增寒發熱攻

平胃桂薑歸芍藥

半苓殼梗芷麻芎

婦人艾醋調經候

寒濕腰疼薑棗葱

理中湯

理中五臟被寒傷

厥冷昏沉肢體僵

口噤失音臍腹痛

速加附子便回陽

人參白朮扶脾氣

薑草溫經達四傍

胃脘停痰并冷痛

尋常去附只依方

暑門

五苓散

五苓中暑生煩渴

身熱頭疼霍亂家

泄瀉小便還赤少

心神恍惚入辰砂

猪苓澤瀉能分利

赤茯苓除丙火邪

白朮桂心調臟腑

暑天對證効偏佳

香薷湯

香薷伏暑口咽乾

泄瀉頻頻或嘔煩

如有挾風生搐搦

臨時不可作驚癇

黃連薑製加羌活

扁豆香薷厚朴安

水酒煎來宜沉冷

驅除暑熱不為難

十味香薷飲

十味香薷消暑氣

大能健胃及和脾

參苓白朮瓜陳草

厚朴香薷扁豆芪

桂苓甘露飲

桂苓甘露宜傷暑

霍亂時聞嘔吐聲

引飲過多兼瀉利

腹中膨脹不和平

木香白朮人參滑

桂藿仍加草茯苓

澤瀉葛根寒水石

解令酷暑自然清

二香散

二香正氣合香薷

暑濕相兼服自除

嘔吐轉筋煩渴甚

復方原出活人書

清暑益氣湯

清暑益氣因時制

濕熱刑金水臟虧

飲食不思心倦怠 精神短少骨酸痠
氣高而喘身煩熱 自汗便溏利似糜
蒼朮葛青冬栢味 去朮加澤補中居

清暑六和湯

六和半夏縮砂仁 杏仁參草扁豆停
木瓜赤茯苓香葉 厚朴香薷治瀉頻

濕門

滲濕湯

滲濕湯除寒濕傷 小便赤澀大便澹
一身重着脉沉緩 如坐水中筋弛長

蒼朮茯苓宜白朮 橘紅甘草配丁香
乾薑炮過除寒濕 佐以辛甘棗共薑

腎着湯

腎着湯因腎氣虛 或為卑濕汗沾襦
小便自利身腰重 白朮乾薑苓草俱

除濕湯

除濕湯除濕挾寒 大便溏泄小便慳
渾身重著流關節 腰脚酸疼步履難
蒼朴藿香陳半夏 茯苓白朮草相攢
生薑七片一枚棗 不問山嵐涉水灘

防已黃芪湯

防已黃芪療風濕

脉浮身重汗淋漓

惡風關節煩疼甚

防草黃芪白朮宜

傷寒門

麻黃湯

麻黃發熱仍頭痛

骨節煩疼且惡風

寒則傷榮無汗喘

麻黃杏草桂枝同

桂枝湯

桂枝湯治風傷衛

身熱頭疼屬太陽

洒洒惡風仍自汗

桂枝甘草芍為良

十神湯

十神時令行瘟疫

發熱頭疼欲疹家

不問陰陽并兩感

薑蔥煎服効偏佳

川芎白芷除頭痛

乾葛麻黃散表邪

赤芍紫蘇香附子

陳皮甘草及升麻

人參敗毒散

人參敗毒調時氣

項強身疼難轉移

壯熱惡寒頭目痛

四時疫癘總能醫

川芎桔梗人參劑

羌活前紫甘草宜

枳殼茯苓并獨活

生薑煎服不拘時

和解散

和解頭疼仍自汗

增寒壯熱躁煩時

陳皮蒼朮同甘草

桔藁薑三棗二枚

消風百解散

消風百解除寒壅

咳嗽頭疼熱不攘

蒼朮陳皮荆芥草

麻黃葱白芷生薑

人參養胃湯

人參養胃兼驅瘧

加附名為不換金

外感風寒內傷冷

增寒壯熱不和勻

但將此藥令微汗

若用麻黃恐泄真

平胃茯苓并草果

藿香半夏棗薑參

十味芎蘇散

十味芎蘇類十神

頭疼發熱効多真

茯苓枳桔柴胡草

半夏川芎蘇葛陳

神朮散

神朮散除頭項強

增寒壯熱遍身疼

芎辛羌活并蒼朮

芷草薑三更入葱

藿香正氣散

藿香正氣兼除濕

霍亂頭疼寒熱并

心腹冷疼兼瘴癘

婦人血氣不和平

紫蘇大腹陳皮桔
半夏芷須添白朮

藿朴還同草茯苓
更加薑棗呖咀成

參蘇飲

參蘇感冒風傷肺
快膈寬中或癆瘵
人參蘇葉并甘草
桔梗茯苓乾葛配

咳嗽頭疼涕唾粘
往來寒熱亦能痊
枳殼陳皮半夏前
棗薑氣盛木香煎

金沸草散

金沸草散最宜秋
發熱惡風頭目痛

肺受風寒嗽不休
時行寒疫也能療

麻黃旋覆花荆芥
甘草薑三一枚棗

半夏前胡赤芍優
尋常痰證類須投

小青龍湯

小青龍有兩傷功
榮衛不調加水氣

風見寒兮寒見風
肺寒喘嗽熱交攻

麻黃芍藥并甘草
官桂細辛能潤燥

半夏乾薑五味同
解令寒水散心胸

小承氣湯

小承氣蠲邪入腑
致令潮熱多譫語

胃中鬱滯不能行
燥糞由斯實滿生

厚朴苦温能洩滿
大黃滌熱能通閉

再加枳實瀆堅癥
若用芒硝即大承

小柴胡湯

小柴胡湯行少陽

往來如瘧熱非常

耳聾脇痛連胸膈

汗下難施和解良

苓佐柴胡邪半表

人參扶正草相將

更加半夏和中氣

棗一薑三斯配當

大柴胡湯

大柴胡湯雖過經

邪猶不解熱蒸蒸

遶臍刺痛謔言語

七八日來便不行

柴折熱芍苓以佐

枳酸湧泄芍均平

夏能散去心間逆

薑棗大黃斟酌停

半夏瀉心湯

半夏瀉心攻痞氣

滿而不痛結心胸

苓連草半生薑棗

升降陰陽痞自通

真武湯

真武湯名屬少陰

腹疼發熱脉沉沉

大便自利小便澁

肉瞤心忪汗後因

白朮茯苓兼滲水

乾薑芍藥以為臣

温經附子專於使

若嗽加薑味細辛

四逆湯

四逆傷寒自利頻

四肢厥冷脉微沉

乾薑附子同甘草

却散陰寒陽得伸

小建中湯

小建中調脾與胃

陰弦陽濇腹中疼

桂枝芍藥生薑棗

煎熟之時方入錫

白朮湯

白朮金神肺應秋

已經汗下未全休

心胸結熱生煩渴

參草膏知粳米優

小陷胸湯

小陷胸湯熱結中

諸陽壅塞不能通

心間緊痛堅如石

連夏括萹大有功

竹葉石膏湯

竹葉石膏津液枯

心煩發熱及諸虛

石膏參草門冬夏

竹葉生薑粳米俱

溫膽湯

溫膽傷寒病後煩

心神虛怯不成眠

二陳枳實生薑棗

竹茹如錢大一團

玄參升麻湯

玄參升麻祛熱毒

傷寒失下發斑爛

謔言妄語心煩躁

升草玄參咽痛堪

抵當湯

抵當湯消血蓄瘀

下焦結熱病如斯

狂言腹痛小便利

虫蛭大黃桃核泥

葛根葱白湯

葛根葱白止頭疼

發汗無論已未嘗

芎藭芍知葱白好

生薑去穢爽神明

桃仁承氣湯

桃仁承氣表清涼

熱結膀胱人似狂

小腹急堅便下黑

桃仁桂草及硝黃

加味溫膽湯

加味溫膽除虛怯

心膽怔忡觸事驚

飲食少思時自汗

只緣痰氣鬱而成

二陳枳實門冬桔

香附人參紫橘紅

或感不祥來夢寐

也須薑棗便安寧

黃芩湯

黃芩挾熱因成痢

脉候浮弦合二陽

芍藥草芩同大棗

嘔加半夏及生薑

黃連解毒湯

黃連解毒除陽毒

大熱呻吟乾嘔頻

錯語狂言無不睡

黃連梔子柏黃芩

柴胡飲子

柴胡飲子清肌熱

汗下過經病未除

參草大黃歸芍藥

柴胡薑片佐芩咀

瘡門

人參養胃湯

人參養胃瘡寒多

因食還加草果磨

平胃茯苓添藿夏

生薑大棗共煎和

清脾湯

清脾瘡瘰寒偏少

口苦咽乾小便黃

青朴半苓柴白朮

黃芩甘草果生薑

參蘇飲

參蘇治瘡仍痰嗽

寒少偏熱更多

枳殼二陳參桔梗

前胡蘇葛棗薑和

四獸飲

四獸脾寒五臟虧

七情不節致疝羸

陰陽相勝為痰聚

搏衛令人氣自衰

白朮人參苓草果

生薑橘半棗烏梅

草瀆減半鹽醃過

皮紙包來水濕煨

七寶飲

七寶飲蠲寒熱瘡
青陳朴草常榔果

山嵐瘴氣亦能除
水酒煎來夜露濡

痢門

石蓮敗毒散

石蓮敗毒散

下痢毒衝心

飲食皆難進

其功抵萬金

羌獨前紫梗

參苓殼草芩

再加石蓮肉

薑棗共煎成

胃風湯

胃風湯治痢

疴痛陣難當

泄瀉生虛滿

因寒挾食傷

四均須去草

四物除地黃

肉桂為湯使

仍加粟米良

真人養臟湯

真人養臟湯

治痢豈尋常

後重連臍痛

便紅及脫肛

人參肉豆蔻

嬰粟芍相當

白朮并訶桂

當歸草木香

木香導氣湯

木香導氣湯

滯下最為良

行血能調氣

便膿窘迫肛

木香兼芍藥

連茯苓檳榔

更入當歸片

其功有大黃

倉廩湯

倉廩即敗毒

薑棗陳米煎

痢家身發熱

其効似通仙

嘔吐門

丁附治中湯

丁附治中脾胃冷

停痰嘔吐不能休

理中湯與青陳共

附子丁香病即瘳

大藿香散

藿香散治七情氣

鬱結于中嘔吐成

寒熱不時頭目暈

胸中痞滿食難停

藿香桔梗人參草

官桂枳杷葉茯苓

白朮木香并半夏

生薑七片嘔家寧

藿香安胃散

藿香安胃專除嘔

安胃扶脾拯困危

平胃藿香加半夏

生薑五片棗雙枚

藿香半夏散

藿香半夏胃虛寒

嘔逆胸中有伏痰

半夏丁香藿香葉

生薑七片獲痊安

泄瀉門

胃苓湯

胃苓傷暑兼停食

泄瀉惡心煩渴多

平胃五苓相合用

棗薑煎服便調和

實腸散

實腸散治瀉不止

平胃砂仁及木香

訶子茯苓肉豆蔻

虛寒厥冷入乾薑

益胃湯

益胃湯痊脾胃弱

四肢怠惰體虛煩

若因勞動頭微痛

溏泄腸鳴及口乾

益智人參蒼白朮

歸身半夏茯苓安

黃芪朮草陳升共

益氣調中不等閑

霍亂門

通脈四逆湯

通脈四逆多寒證

霍亂昏沉脈絕微

茱附桂辛歸芍草

木通薑棗酒此須

不換金正氣散

不換金正氣相干

霍亂筋攣吐瀉煩

平胃散中加藿夏

棗薑煎服便平安

白朮散

白朮大能除吐瀉

氣虛煩渴病皆醫

木香藿藹葛四均子

老弱尤宜襁褓兒

回生散

回生霍亂病顛危

胃氣猶存急服之

莫訝陳皮同藿藹

尋常藥品効偏殊

秘結門

三和散

三和七氣鬱胸中

腸胃乾枯澀不通

白朮沉蘇羌大腹

木香檳草橘瓜芎

當歸潤燥湯

當歸潤燥益真陰

歸尾紅花麻子仁

再入升麻生熟地

桃仁甘草及將軍

導滯通幽湯

導滯通幽燥結難

幽門衝塞吸門關

升麻歸尾桃仁共

生熟地黃甘草藍

咳嗽門

橘蘇散

橘蘇咳嗽身多熱

有汗生痰且惡風

白朮杏蘇桑貝草

陳皮半夏味薑同

蘇沉九寶湯

蘇沉九寶治哮喘

咳嗽連綿夜不休

桑杏麻黃陳薄荷

梅蘇薑桂腹皮求

蠟煎散

蠟煎順氣清咽膈

止咳消痰又化涎

款花味蘇桑桔草

杏仁黃蠟少加煎

平肺湯

平肺化痰寧喘嗽

往來寒熱互交爭

咽乾口燥多煩渴

五味烏梅津液生

桑杏橘皮和半夏

薄荷紫苑草蘇停

桔知栗殼薑三片

一服能令肺氣清

團參飲子

團參飲子治憂思

喜怒勞傷損肺脾

咳嗽吐膿寒熱甚

欲成勞瘵漸在羸

人參紫苑阿膠杏

百合天冬五味宜

半夏細辛薑五片

經霜桑葉預先儲

桔梗湯

桔梗湯專治肺癰

肺傷咳嗽唾稠膿

咽乾口苦多煩渴

大小便難赤似癰

薏苡桑皮歸草節

黃芪枳貝杏仁同

瓜萸百合加防已

桔梗煎來大有功

紫苑茸湯

紫苑茸湯邪熱傷

食多煎燂倍於常

痰多唾血頻頻嗽

脇痛因而卧有妨

貝母款花參杏苑

阿膠桑葉半蒲黃

草咀百合生薑片

犀角生教細細鎊

瀉白散

瀉白散專醫肺實

大便不利嗽無時

桑皮半杏瓜萸實

桔草升麻地骨皮

加減三奇湯

加減三奇上氣攻

痰涎咳嗽促心胸

青陳桔草桑蘇葉

杏半人參五味同

人參平肺湯

人參平肺火刑金

肺痿痰涎咳嗽頻

桑杏參苓知地骨

天門蘇夏草青陳

人參潤肺湯

人參潤肺除痰嗽

鼻塞仍兼喘不寧

貝母麻黃參桔梗

阿膠杏橘草和成

知母茯苓湯

知母茯苓醫肺痿

喘麗寒熱往來潮

痰涎壅盛兼頻嗽

自汗榮虛衛不調

白朮參苓加桔梗

門冬五味入阿膠

薄荷知母川芎草

款夏紫胡苓共熬

痰氣門

蘇子降氣湯

蘇子降氣治虛陽

上盛下虛痰氣妨

歸朴桂心前半草

陳皮蘇子棗生薑

二陳湯

二陳痰飲專為患

嘔吐心怔頭暈眩

橘半茯苓甘草共

生薑七片一同煎

四七湯

四七湯能散七情

痰涎結聚在喉隴

或如梅核咯不出

蘇夏朴苓薑棗同

導痰湯

導痰一切痰涎盛

留飲胸中痞不通

半夏南星陳枳實

赤苓甘草與薑同

茯苓半夏湯

茯苓半夏除留飲

嘔吐吞酸痰水停

半夏茯苓薑七片

有陳又號橘皮名

五飲湯

五飲湯從海藏名

痰留癖溢五流膺

旋花參半前胡朴

枳實陳皮芍五苓

葛花解醒湯

葛花解醒酒太過

惡心痰逆嘔煩多

心胸痞悶小便澀

手足顫搖無柰何

澤瀉茯苓神麴炒

葛花白豆縮砂多

木香白朮青皮共

參與猪苓薑橘和

柴胡飲子

柴胡飲子消痰飲

發熱頭疼類感寒

榮衛不調肢體倦

口乾無味及心煩

柴胡為主清肌表

木夏能除標本痰

神草門冬尋國老

黃芩薑棗總相關

喘急門

人參定喘湯

人參定喘清華蓋

上喘喉中涎作聲

坐卧不安胸脇滿

寒邪咳嗽不能平

麻黃去節人參草

半夏膠珠粉炒成

五味棗皮罌粟殼

薑煎温服即時寧

分氣紫蘇飲

分氣紫蘇寧喘促

只緣脾胃不調和

味蘇大腹棄陳果

桔草苓薑鹽莫多

神秘湯

神秘湯名不浪傳

能除喘急果通仙

橘蘇五味人參桔

不倒頭時也得眠

四磨湯

四磨湯主七情氣

鬱結令人上喘時

烏藥檳榔與神草

沉香四味共磨之

五味子湯

五味子湯除喘促

厥而脉伏最難醫

人參五味門冬杏

大棗生薑共橘皮

氣門

分心氣飲

分心氣飲調諸氣

思慮憂愁怒氣傷

胸腹脹膨妨飲食

大便虛秘面痿黃

門冬丁皮大腹子

藿朴陳蘇草木香

棄桔人參香附果

燈心白朮棗生薑

木香流氣飲

木香流氣和榮衛

快利三焦氣不通

喘急虛浮便溺秘

心胸膨脹及怔忡

石蒲香附蓬榔果

青桂丁皮參木通

正氣木瓜除桔梗

木香薑棗麥門冬

沉香降氣散

沉香降氣快三焦

痞滯心胸氣不調

腹脇脹膨并嘔吐

五般膈氣也能消

丁沉檀木藿香葉

參朮青陳豆蔻饒

檳草桂花薑枳實

茯苓鹽共縮砂熬

指迷七氣湯

指迷七氣氣攻疼

升降陰陽散七情

稜智桂蓬香附藿

草陳桔半棗薑青

流氣飲子

流氣飲子醫男婦

氣滯心胸痞不通

喘急面浮痰嗽盛

渾身走注氣相攻

二陳桔梗茂烏藥

枳實當歸芍藥芎

大腹青皮紫蘇葉

木香檳殼與防風

益智仁湯

益智仁湯除腎冷

小腸疝氣痛無休

茴青益智川烏草

鹽共薑煎空腹投

異香散

異香治腎不安和

腹脇虛膨冷氣多

噫醋吞酸難化食

腹中刺痛手常摩

石蓮益智并甘草
厚朴青陳肉桂和
棗一薑三鹽少許
京三稜共廣蓬莪

蟠葱散

蟠葱散治腎膀胱
冷氣乘虛入小腸
心腹絞痛攻兩脇
女人血氣痛非常
延胡蓬朮三稜縮
甘草丁皮肉桂薑
蒼朮茯苓同佐使
青皮葱白有檳榔

脾胃門

參苓白朮散

參苓白朮調脾胃
進食能收吐瀉功

扁豆四均蓮肉桔
薏仁山藥縮砂同

嘉禾散

嘉禾益胃大扶脾
噎膈生痰飲食微
薏苡六均并腹子
沉香神麩味素皮
枇杷藿葉隨風子
石斛檳榔豆蔻宜
杜仲木香青穀蘖
縮砂薑棗共和之

四均子湯

四均脾弱大便溏
胃氣仍虛飲食妨
參朮茯苓甘草炙
再加陳半六均湯

治中湯

治中湯用建中坤
中滿虛膨仍泄瀉

安胃和脾性本溫
理中湯內入青陳

八珍湯

八珍調胃更和脾

血氣平均賴土培

四物四均無白朮

縮砂薑七棗三枚

翻胃門

五膈寬中湯

五膈寬中膈噎施

七情四氣損於脾

陰陽不順生痰氣

憂恚傷神並治之

白豆縮砂香附子

丁香沉草與青皮

木香厚朴生薑片

少許鹽煎不計時

五噎散

五噎散專除五噎

咽喉氣塞異尋常

痰多嘔碗不下食

安穀須知壽必昌

甘草沉香宜桔梗

華澄茄拌杵頭糠

人參白朮枇杷葉

白豆乾生薑木香

五膈散

五膈散治五般膈

氣結胸中致痰逆

三焦痞塞惡心煩

心腹脹時難下食

木香白朮天南星

枳殼青皮半夏麩

丁香麥蘗草果仁

更有乾生薑大腹

諸虛附勞瘵門

十全大補湯

十全大補瘵男婦

榮衛諸虛及五勞

藥性溫平常服補

更宜薑棗一同熬

四均益氣真元固

四物滋陰血脉調

肉桂引經芪實膝

安和脾胃自堅牢

補中益氣湯

補中相火傷元氣

始得之時脉大洪

身熱而煩氣高喘

然於外感頗相同

黃芪主治人參草

白朮歸身與橘紅

更入柴胡升引用

甘溫除熱補其中

調中益氣湯

調中勞役陰虛熱

脉候弦洪緩且沉

身體四肢多怠惰

耳鳴胸滿及煩心

口無滋味便清數

飧泄虛疼腹不仁

即是補中加芍味

升陽益氣養天真

黃芪建中湯

黃芪建中生血氣

汗多羸乏及諸虛

桂芪芍藥生薑棗

浮麥同煎少入飴

人參養榮湯

人參養榮治諸虛

四肢倦怠瘦難支

面無顏色精神短

飲食忘食血脉衰

芍藥當歸遼五味

茯苓遠志桂黃芪

陳皮熟地人參草

白朮薑三棗二枝

人參劫勞散

人參劫勞心腎虛

乾嗽無痰飲食微

寒熱往來多盜汗

心神恍惚夢相隨

阿膠五味當歸草

熟地人參芍藥芪

半夏茯苓薑棗共

亦除唾內有紅絲

秦艽鱉甲散

秦艽鱉甲虛勞熱

頰赤唇紅是骨蒸

盜汗過多肌肉瘦

精神困倦不能行

柴胡地骨當歸片

鱉甲秦艽最得名

知母烏梅加一箇

青蒿再入兩三莖

樂令建中湯

樂令建中脾胃虛

陰陽虛損兩瘥之

大能退熱除虛汗

將欲成勞病自除

半夏細辛歸肉桂

參苓芍藥炙黃芪

門冬再入前胡配

甘草陳皮薑棗宜

秦艽扶羸湯

秦艽扶羸醫肺痿

已成勞嗽失音聲

體虛自汗精神短

寒熱相兼血氣爭

鱉甲人參歸半夏

秦艽紫苑共相停

柴胡地骨皮甘草

薑棗烏梅退骨蒸

寧肺湯

寧肺湯痊榮衛虛

勞傷發熱汗無時

肺家喘急仍痰嗽

血主濡之氣主响

須用四均并四物

阿膠五味及棗皮

麥門冬入生薑片

益肺尤能補養脾

團參飲子

團參飲子治勞方

飢飽憂思喜怒傷

臟氣不安生咳血

吐膿寒熱異尋常

人參紫苑葶藶葉

百合阿膠五味當

半夏天冬甘草杏

細辛款蘘共生薑

人參清肺湯

人參清肺胃虛寒

喘嗽令人卧不安

年久虛勞常唾血

阿膠知母杏仁攢

人參地骨皮甘草

粟殼棗皮大棗堪

去核烏梅水煎服

全生功效濟人間

咳逆門

柿蒂丁香湯

柿蒂丁香湯

能安咳逆方

丁香并柿蒂

甘草與良薑

橘皮竹茹湯

橘皮竹茹湯

噦逆効偏長

橘皮竹茹草

人參棗共薑

羌活附子散

羌活附子散

咳逆胃家寒

茴香丁附子

羌活入鹽煎

頭疼眩暈門

小芎辛湯

小芎辛湯治頭疼

風寒在腦嘔眩生

川芎白朮細辛草

五片生薑茶引經

安神湯

安神湯善除頭痛

虛熱頭旋眼黑花

知柏羌防生地草

柴芎芪蔓及升麻

半夏白朮天麻湯

半夏白朮天麻湯

痰厥頭疼脾胃鄉

吐逆心煩仍不食

虛眩眼黑痛非常

黃芪白朮人參劑 半夏天麻澤瀉薑
神麩麥芽須炒用 茯苓酒栢橘皮蒼
心痛驚悸怔忡健忘白濁門

葉氏育神湯

葉氏育神心不寧 怔忡健忘夜多驚

小便白濁因虛耗 水不升兮火不平

龍骨當歸紅芍藥 茯神遠志赤脂苓

防風甘草乾薑桂 紫苑人參白朮停

鎮心爽神湯

鎮心爽神心腎虛 只緣水火失於司

心神恍惚多驚悸 白濁洩頻夜夢遺

酸棗門冬陳味苑 赤苓辛夏草星歸

覆盆枸杞芎通草 山藥人參栢子奇

益榮湯

益榮思慮過傷心 血少怔忡恍惚人

夜夢不安便白濁 茯神遠志用人參

黃芪芍藥門冬佐 紫石英歸酸棗仁

甘草木香同栢子 棗薑煎服鎮心神

加味七氣湯

加味七氣傷七情 喜怒憂思悲恐驚

或感風寒心腹痛

婦人患此藥能平

桂心半夏玄胡索

甘草人參減半微

研入乳香除絞痛

薑煎危急獲安寧

卻痛散

卻痛心疼不可圖

五靈脂共大川烏

木香歸與蒲黃共

肉桂胡椒及石蒲

革薺分清飲

革薺分清安腎臟

真元不足下焦虛

小便白濁頻無度

漩面如油脚澄糊

益智仁同烏藥配

川革薺與石菖蒲

只將四味盪煎服

便溺清冷病自除

腰脇痛附脚氣門

獨活寄生湯

獨活寄生醫腎虛

風邪濕氣注腰隅

拳攣掣痛難伸屈

緩弱筋痿無力支

四物四均無白朮

細辛官桂寄生宜

秦艽獨活防牛膝

杜仲酥塗炙去絲

芎藭湯

芎藭能除脇下疼

細辛乾葛草防風

桂枝芍藥麻黃等

更入人參枳殼芎

枳殼煮散

枳殼煮散能推氣

悲感傷肝兩脇疼

枳殼細辛乾葛草

川芎桔梗有防風

當歸拈痛湯

當歸拈痛除風濕

肢節煩疼及遍身

下注足腰生腫痛

上連肩背重難伸

五苓去桂防風草

羌活當歸葛苦參

人參升麻蒼朮片

黃芩知母酒茵陳

檳蘇散

香蘇加味號檳蘇

兩脚酸疼氣不踈

檳剉香蘇木瓜片

薑葱煎服即時除

三因敗毒散

三因敗毒足三陽

濕毒流於足踝傍

壯熱惡風成掀腫

人參敗毒大黃蒼

麻黃左經湯

麻黃左經足太陽

因於四氣本經傷

增寒發熱頭眩暈

攣痺濕流關節巖

防已細辛羌活桂

茯苓甘草葛麻黃

防風白朮生薑棗

加減臨時莫執方

半夏左經湯

半夏左經足少陽

風寒暑濕注其鄉

脇疼發熱頭眩嘔

半夏柴胡遠志防

白朮茯苓同乾葛

細辛肉桂草乾薑

麥門冬與黃芩共

薑棗空心服最良

大黃左經湯

大黃左經足陽明

腰脚赤腫痛難行

汗多大小便難秘

喘滿仍兼飲食憎

羌活茯苓商枳殼

前胡厚朴大黃蒸

細辛甘草黃芩共

棗一薑三効最靈

諸淋附消渴門

八正散

八正心經因蘊熱

大便秘結小便癢

遂成血淋莖中痛

滑石車前子木通

扁蓄大黃煨半熟

山梔甘草共和同

燈心瞿麥煎溫服

疏鑿能收利水功

清心蓮子飲

清心蓮子火虛炎

消渴咽乾滯小便

微熱欲成淋漓證

門冬蓮肉合車前

人參白茯苓甘草

地骨黃芪芩共煎

發熱更加柴薄荷

水升火降自然安

五淋散

五淋氣石血膏勞

多由心腎不相交

小腸遺熱膀胱受

淋瀝不通如轉胞

赤芍山梔并滑石

木通竹葉草茵蒿

茯苓赤色降心火

閉澁洩便也自調

導赤散

導赤心虛積熱成

小便閉澁作淋疼

木通生地生甘草

竹葉煎來瀉丙丁

黃芪六一湯

黃芪六一除虛渴

引飲心煩欲發瘡

或病癰疽而後渴

黃芪甘草共成湯

水腫附脹滿門

五皮湯

五皮腫滿屬脾經

面目虛浮血氣凝

大腹五加皮地骨

生薑皮與茯苓皮并

葶藶木香散

葶藶木香消水腫

腹皮脹滿大便澶

五苓滑石炙甘草

葶藶木通加木香

杏蘇飲

杏蘇喘嗽面虛浮

大腹烏梅味紫蘇

陳桔麻黃桑杏苑

阿膠甘草服能甦

大橘皮湯

橘皮濕熱攻心腹

脹滿陰陽不得分

滑石檳榔五苓草

陳皮還與木香存

導氣通經湯

導氣通經脾氣餘

四肢面目腫浮虛

木香白朮茯苓片

澤瀉陳皮桑白皮

平肝飲子

平肝飲子脉浮弦

喜怒傷肝注氣纏

邪盛乘脾心腹脹

脇疼嘔逆及頭眩

木香枳殼檳榔葶

桔梗人參甘草全

赤芍芎歸陳等分

防風薑五桂枝煎

積聚門

散聚湯

散聚湯除久積癥

有時隨氣痛交攻

或於心腹連腰脇

臍脹洩便秘不通

半夏檳榔炮附子

杏仁枳殼桂川芎

茱萸陳茯苓甘草

厚朴當歸配合同

大七氣湯

大七氣湯消積聚

氣攻心腹脹兼疼

藿香益智陳香附

梗草蓬稜肉桂青

廣茂瀆堅湯

廣茂瀆堅除脹滿

腹中積塊大如盤

遍身虛腫仍加喘

堅硬令人卧不安

朴半朮升陳益智

吳茱澤瀉草紅藍

芩連廣茂當歸尾

草豆青皮麩葛間

自汗盜汗虛煩門

牡蠣散

牡蠣諸般病後虛

體常自汗不能除

黃芪牡蠣麻黃共

小麥同煎効有餘

當歸六黃湯

當歸六黃蠲盜汗

名為聖藥冠群方

黃芪加倍芩連栢

歸與乾生熟地黃

朮苓湯

朮苓湯除虛盜汗

麻黃根與草黃芪

茯苓白朮防風蠲

小麥煎來驗可期

溫膽湯

溫膽湯除病後煩

心虛膽怯不能安

二陳枳實生薑棗

竹茹煎成又化痰

積熱諸血門

凉膈散

凉膈散除諸積熱

煩躁便秘口生瘡

硝黃芩薄山梔草

竹葉連翹蜜少將

洗心散

洗心風壅并痰滯

積熱便難眼溢眵

歸芍麻黃荆白朮

大黃薑薄草煎之

犀角消毒飲

犀角消毒蠲邪熱

腮項頤頷結核生

瘡疹未消餘毒在

荆防牛旁草和成

必勝散

必勝專醫血妄行

咳無吐衄不歸經

參歸芎薊蒲黃炒

熟地烏梅小薊停

茯苓補心湯

茯苓補心心氣虛

邪傷吐血嗽無時

參蘇四物生薑棗

導氣全真出困危

是齋白朮散

是齋白朮因傷胃

吐血多因負重人

山藥四均芪百合

前胡薑棗共和勻

犀角地黄湯

犀角地黄經汗下

鬱而吐衄有停留

面黃便黑皆宜服

犀角丹皮生地求

涼血地黄湯

涼血地黄腸澀證

大便下血即如斯

當歸熟地青皮類

炒栢炒槐并炒梔

咽喉門

甘桔湯

甘桔一名如聖湯

咽喉腫痛効殊常

只須桔梗并甘草

二味煎投立見康

利膈湯

利膈湯除脾肺熱

虛煩上壅及喉瘡

人參桔梗雞蘇葉

荆穗鼠粘甘草防

眼目門

明目流氣飲

明目流氣治肝經

內受風邪目不明

常見黑花多隱澀

或生障翳及時行

大黃牛旁荆防菊

蒺藜芎辛草蔓荆

蒼朮玄參芩木賊

決明梔子可還睛

洗肝散

洗肝散最祛風毒

暴赤難開腫澀疼

羌活大黃梔子薄

當歸防草及川芎

撥雲散

撥雲風毒生昏翳

怕日羞明障不消

羌活防風柴共草

頓除雲霧見秋毫

桑白皮散

桑皮肺壅白睛疼

腫脹多因毒氣生

桑杏玄參升芍草

菊苓旋覆殼防停

益氣聰明湯

益氣聰明開內障

多年昏暗不能明

解令廣大精神倍

耳目聰明身體輕

甘草黃芪參半兩

升麻乾葛各三星

蔓荆錢半清頭目

酒相相同芍一停

耳鼻口舌牙齒門

犀角飲子

犀角飲子祛風熱

兩耳聾時腫出膿

犀角菖蒲木通草

玄參赤豆菊薑同

麗澤通氣湯

麗澤通氣不聞香

羌獨升蒼葛草防

芪芷麻黃椒去目

棗薑葱白共成湯

防風湯

防風腦熱鼻淵流

濁涕淋漓久不休

參草門冬苓泄熱

防風芎使上行頭

升麻散

升麻膈熱舌生瘡

毒壅咽喉腫痛妨

赤芍人參并桔梗

升麻生草葛生薑

瀉黃飲子

瀉黃風熱蘊於脾

唇裂多生口舌瘻

半芷升殼苓石斛

防風生草與薑期

獨活散

獨活風毒注牙根

浮腫連腮痛莫禁

羌活防風共生地

薄荷荆芥合芎辛

漱口玉池散

玉池風痛蛀蟲牙

防藁芎辛地骨佳

甘草升麻歸白芷

生薑黑豆有槐花

祛風清胃散

清胃散治陽明熱

上下牙疼及可醫

黃連生地升麻共

歸身合用牡丹皮

諸瘡附折傷門

內補十宣散

內補十宣諸腫毒

已成令潰未成消

參芪桔朴芎歸草

芷桂防風熱酒調

五香連翹湯

五香連翹消結核

癰疽瘰癧及諸瘡

射干桑寄生甘草

羌活木香蒸大黃

乳麝沉香升等分

連翹獨活及丁香

木通煎熟空心服

利下身中惡毒良

升麻和氣飲

升麻和氣除瘡疥

痛痒無時發不常

壯熱增寒因下濕

升麻桔梗草乾薑

茯苓芍藥當歸芷

枳殼陳皮煨大黃

半夏葛根蒼朮炒

生薑燈草療諸瘍

當歸連翹飲

當歸連翹解風毒

諸般瘡腫及癰疽

咽疼舌腫生喉閉

鼻衄便難痰嗽宜

芍藥當歸和血脉

連翹泄熱配山梔

金銀花藥專消腫

破結將軍濟困危

秘方奪命散

秘方奪命世間稀

一切癰疽總可醫

消腫速如湯沃雪

化膿立見肉生肌

川山皂刺針歸尾

草節金銀赤芍隨

乳沒天花防貝芷

陳皮好酒共煎之

散腫潰堅湯

散腫潰堅消瘰癧

馬刀結硬遍於頰

草龍酒製天花粉

知母蓬稜芩栢該

白芍葛根昆布草

黃連翹桔梗升柴

當歸用尾煎溫服

一口須分嚥十回

當歸導滯散

當歸導滯通瘀血

落馬墜車并打傷

昏悶腫疼便結閉

大黃歸麝酒調將

傷元活血湯

傷元活血後高墜

惡血流於脇下疼

山甲紫紅花粉草

槐仁歸尾大黃行

婦人門

四物湯

四物衝妊虛損病

致令月水不能調

川芎熟地當歸芍

若是崩中入艾膠

大溫經湯

大溫經或損於娠

瘀血停留小腹臃

月水愆期或多少

只緣虛弱屬衝任

當歸芍芍丹皮草

半夏膠珠肉桂參

更入門冬薑五片

三旬天癸自調勻

逍遙散

逍遙散治血虛煩

經候愆期及嗽痰

臍腹脹疼潮熱甚

當歸為藥益其肝

柴胡炙草清肌表

白朮茯苓脾氣安

五片煨薑薄荷少

通流榮衛更加食

當歸建中湯

當歸建中滋血氣

衛虛榮弱體厄羸

當歸肉桂炙甘草

芍藥生薑棗一枚

紅花當歸散

紅花當歸血臟虛

月經斷續或成瘕

腹腰刺痛身羸瘦

若久不來為血枯

牛膝當歸宜酒浸

紅花肉桂去皮粗

紫葳芷草憑蘇木

赤芍能通劉寄奴

抑氣湯

抑氣氣高而血弱

變生胸滿與頭眩

茯苓香附為仙藥

甘草橘紅煎食前

六合湯

六合經過血不行

腹中結塊腿腰疼

蓬莪四物加官桂

月水調和又破癥

八珍湯

八珍湯理順陰陽

榮衛調和飲食強

四物滋陰專益血

四均養氣棗生薑

瑞金散

瑞金芍藥牡丹皮

蓬朮紅花芩桂歸

更入薑黃玄胡索

通經和血酒相宜

胎前產後門

半夏茯苓湯

半夏茯苓除惡阻

隔間痰逆惡心煩

惡聞食氣耽酸味

脉滑應知是妊娠

旋覆赤苓乾熟地

川芎白芍與人參

陳皮桔梗并甘草

半夏生薑有故因

安胎飲

安胎三月妊娠期

惡阻常憎飲食稀

胎動不安時下血

心神倦怠欲扶持

茯苓四物和甘草

白朮阿膠共地榆

更入黃芪煎共服

保全胎產及其時

膠艾湯

膠艾湯醫妊娠婦

或因頓仆動其胎

腹腰疼痛渾如產

此藥安和救得回

芍藥當歸并艾葉

阿膠熟地草同譜

黃芪又與川芎配

養血全生十月孩

安胎和氣飲

安胎和氣便虛滑

腹脹疼為胎冷因

白朮木香訶橘草

良薑芍藥米須陳

紫蘇飲

紫蘇胎氣不和平

上凌心胸脹滿疼

大腹紫蘇參芍橘

芎歸甘草入薑葱

芎歸湯

芎歸去血太過多

產後昏沉柰若何

只有芎歸能養血

獨於危急保安和

增損四物湯

增損陰陽產後傷

乍寒乍熱未能攘

或因惡露停胞絡

小腹急疼為異常

芍藥火煨和炙草

當歸酒浸入炮薑

川芎又用人參劑

三片生薑共作湯

清魂散

清魂血暈不知人

荆穗川芎炙草參

再入澤蘭同作劑

回生起死効通神

抵聖湯

抵聖血氣傷脾胃

腹脇虛膨嘔惡心

赤芍陳皮澤蘭葉

生薑半夏草人參

增損柴胡湯

增損柴胡治蓐勞

虛羸寒熱食難消

柴胡陳夏參甘草

芍芍當歸薑棗熬

三之一湯

三之一湯產後虛

勞雖日久脉多浮

小柴四物生薑棗

養血清肌病自除

小兒門

乳頭散

乳頭腹痛夜多啼

赤芍當歸灸草芪

更有木香同細末

塗於乳上吮之宜

惺惺散

惺惺襁褓變蒸初

咳嗽痰涎鼻息粗

白芍四均花粉桔

細辛薑一薄此須

吉州醒脾散

吉州醒脾急慢驚

先因脾弱後生風

六均全蝎陳倉米

白附木香薑棗星

釀乳法

釀乳慢驚多困睡

驚啼脉細面皮黃

人參神麩須微炒

麥蘗沉香合藿香

陳與木香同等分

丁香減半要相當

薑蘇十片三枚棗

乳母投之令吮良

釣藤飲

釣藤天吊生潮熱

全蝎人參合釣藤

犀角天麻炙甘草

水煎溫服獲清寧

人參羌活散

人參羌活幼傷寒

敗毒天麻地骨攢

棗半薄荷薑一片

或生瘡疹亦痊安

薄荷散

薄荷散治熱生風

羌活麻黃蝎草同

天竺彊蚕白附子

消痰竹瀝有神功

人參前胡散

人參前胡活幼方

感冒發熱最為良

小紫桔梗前胡合

薑棗煎投立見康

地骨皮散

地骨皮散除煩熱

亦治傷寒壯熱蒸

赤茯苓知參草夏

生薑地骨得和平

潤肺湯

潤肺風寒清涕流

更兼咳嗽喘無休

人參貝母阿膠草

杏橘麻黃桔梗求

益黃散

益黃脾胃虛寒冷

吐瀉無時肚腹疼

訶子青陳炙甘草

丁香止嘔即安寧

醒脾湯

醒脾治幼脾虛怯

風冷相乘霍亂生

藿葉丁香四均子

冬瓜子共縮砂星

升麻葛根湯

升麻葛根欲出疹

乍寒乍熱睡多驚

目胞腮赤仍呵欠

乾葛多於芍草升

必用四勝散

必用痘疹生不透

倒靨惡候並皆醫

木通枳殼并甘草

紫草茸煎効更奇

鱉甲散

鱉甲疳勞即骨蒸

黃芪鱉甲芍相停

當歸生熟地黃共

地骨人參熟頓清

用藥訶訣終

